

ঢাকা উত্তর সিটি কর্পোরেশনের ২৮ তম কর্পোরেশন সভার কার্যবিবরণী

সভাপতি : জনাব মোঃ জামাল মোস্তফা, প্যানেল মেয়ার, ঢাকা উত্তর সিটি কর্পোরেশন।
তারিখ : ১৪ অগ্রহায়ণ ১৪২৫ বঙ্গাব্দ || ২৮ নভেম্বর ২০১৮ খ্রিস্টাব্দ
সময় : সকাল ১১.০০ টা
স্থান : নগর ভবন, সেন্টার পয়েন্ট (লেভেল-৮), প্লট-২৩-২৬, রোড-৪৬, গুলশান-২, ঢাকা

সভায় উপস্থিত কাউন্সিলরদের তালিকা পরিশিষ্ট “ক”

সভার প্রারম্ভে ঢাকা সিটি কর্পোরেশনের প্রথম নির্বাচিত মেয়র জনাব মোঃ হানিফ এর মৃত্যুবার্ষিকী উপলক্ষ্যে ১ মিনিট নিরবতা পালন এবং তাঁর আগ্রাহীর মাগফিরাত কামনায় দোয়ার মাধ্যমে সভার কার্যক্রম শুরু করা হয়। সভাপতি প্রধান নির্বাহী কর্মকর্তাকে এজেন্ডা ভিত্তিক আলোচনা শুরু করার জন্য অনুরোধ করেন। প্রধান নির্বাহী কর্মকর্তা, সভার সভাপতি ও মাননীয় প্যানেল মেয়ার জনাব মোঃ জামাল মোস্তফা, মাননীয় প্যানেল মেয়ার জনাব আলেয়া সারোয়ার ডেইজী, সম্মানিত কাউন্সিলরবৃন্দ ও ঢাকা উত্তর সিটি কর্পোরেশনের উপস্থিত কর্মকর্তাগণকে শুভেচ্ছা জানিয়ে এজেন্ডা ভিত্তিক আলোচনা শুরু করেন। এজেন্ডা ভিত্তিক নিম্নরূপ আলোচনা ও সিদ্ধান্ত গৃহীত হয়ঃ

আলোচ্যসূচি-১	: ১৮ অক্টোবর ২০১৮ তারিখ অনুষ্ঠিত ২৭তম কর্পোরেশন সভার কার্যবিবরণী দৃঢ়করণ প্রসঙ্গে।
আলোচনা	: গত ১৮ অক্টোবর ২০১৮ তারিখ অনুষ্ঠিত ২৭তম সভার কার্যবিবরণী দৃঢ়করণের লক্ষ্যে পরিবর্তন/পরিমার্জনসহ কোন সংশোধনী প্রস্তাব থাকলে তা উপস্থাপনের জন্য অনুরোধ জানানো হয়। কোন সংশোধনী প্রস্তাব না থাকায় বিগত সভার কার্যবিবরণী দৃঢ়করণ করা হয়।
সিদ্ধান্ত	: ২৭তম কর্পোরেশন সভার কার্যবিবরণী দৃঢ় করার সর্বসম্মত সিদ্ধান্ত গৃহীত হয়।
বাস্তবায়ন	: সচিব, ঢাকা উত্তর সিটি কর্পোরেশন।

আলোচ্যসূচি-২	: ২৭তম কর্পোরেশন সভার সিদ্ধান্ত বাস্তবায়নের অগ্রগতি
আলোচনা	: সভায় ২৭তম কর্পোরেশন সভার সিদ্ধান্ত বাস্তবায়নের অগ্রগতি উপস্থাপন করা হয় এবং গৃহীত সিদ্ধান্তসমূহ যথাযথভাবে বাস্তবায়নের জন্য সকল বিভাগীয় প্রধান ও আঞ্চলিক নির্বাহী কর্মকর্তাকে আহ্বান জানানো হয়।
সিদ্ধান্ত	: ২৭তম কর্পোরেশন সভার সিদ্ধান্তসমূহ যথাযথভাবে বাস্তবায়নের সিদ্ধান্ত গৃহীত হয়।
বাস্তবায়ন	: বিভাগীয় প্রধান (সকল)/আঞ্চলিক নির্বাহী কর্মকর্তা (সকল), ঢাকা উত্তর সিটি কর্পোরেশন।

আলোচ্যসূচি-৩	: বর্জ্য থেকে বিদ্যুৎ উৎপাদনের বিষয়ে বাংলাদেশ বিদ্যুৎ উন্নয়ন বোর্ডের প্রস্তাবিত খসড়া MOU পর্যালোচনা করার জন্য ২৬তম কর্পোরেশন সভার বিবিধ (ক) সিদ্ধান্তের আলোকে স্মারক নং-৪৬.১০.০০০০.০০৬.০৬.১৭৪.১৭-৮৪৯, তারিখ : ১৭/১০/১৮ খ্রিঃ মাধ্যমে গঠিত কমিটির সভা গত ২৪/১০/২০১৮ খ্রিঃ তারিখে অনুষ্ঠিত হয়। সভায় আলোচনা পর্যালোচনা ও সুপারিশের আলোকে খসড়া MOU আংশিক সংশোধন সংযোজন করে কর্পোরেশন সভায় অনুমোদনের জন্য প্রেরণ করা হয়। বর্জ্য থেকে বিদ্যুৎ উৎপাদনের বিষয়ে ডিএনসিসি'র গঠিত কমিটি কর্তৃক সংশোধিত MOU অনুমোদনের বিষয়ে উপস্থিত সকল কাউন্সিলর একমত পোষণ করেন।
সিদ্ধান্ত	: বর্জ্য থেকে বিদ্যুৎ উৎপাদনের বিষয়ে বাংলাদেশ বিদ্যুৎ উন্নয়ন বোর্ডের প্রস্তাবিত খসড়া MOU সম্পাদনের নিমিত্ত খসড়া চুক্তি অনুমোদন করা হয়।
বাস্তবায়ন	: প্রধান বর্জ্য ব্যবস্থাপনা কর্মকর্তা, ঢাকা উত্তর সিটি কর্পোরেশন

আলোচ্যসূচি-৪	: পাবলিক টয়লেট পরিচালনা নীতিমালা, ২০১৮ খসড়া অনুমোদন প্রসঙ্গে।
আলোচনা	: ডিএনসিসি'র প্রকৌশল বিভাগের পরিবেশ, জলবায়ু ও দুর্যোগ ব্যবস্থাপনা সর্কেল কর্তৃক ঢাকা উত্তর সিটি

	কর্পোরেশনের আওতাধীন পাবলিক টয়লেট সমূহের ব্যবস্থাপনা ও রক্ষণাবেক্ষণ নীতিমালা, ২০১৮ প্রস্তুত করে অনুমোদনেন জন্য সভায় উপস্থাপন করা হয়।
সিদ্ধান্ত	: পাবলিক টয়লেট পরিচালনা নীতিমালার খসড়া সর্বসম্মতিক্রমে অনুমোদন করা হয়।
বাস্তবায়ন	: প্রধান প্রকৌশলী/প্রধান নগর পরিকল্পনাবিদ/প্রধান সমাজকল্যাণ কর্মকর্তা, ঢাকা উত্তর সিটি কর্পোরেশন।


আলোচ্যসূচি-৫	: ঢাকা উত্তর সিটি কর্পোরেশন “সড়ক সৌন্দর্য বর্ধণ ও রক্ষণাবেক্ষণ নীতিমালা-২০১৮” অনুমোদন প্রসঙ্গে।
আলোচনা	: ঢাকা উত্তর সিটি কর্পোরেশন “সড়ক সৌন্দর্য বর্ধণ ও রক্ষণাবেক্ষণ নীতিমালা-২০১৮” এর খসড়া পর্যালোচনা পূর্বক মতামত প্রদানের জন্য ২৬তম কর্পোরেশন সভার আলোচ্যসূচী ৯ এর সিদ্ধান্তের আলোকে স্মারক নং-৪৬.১০.০০০০.০০৬.০৬.১৭-৮৪৭, তারিখ : ১৭/১০/১৮ খ্রিঃ মাধ্যমে গঠিত কমিটির সভা ২৮/১০/২০১৮ খ্রিঃ তারিখে অনুষ্ঠিত হয়। সভায় আলোচনা পর্যালোচনা ও সুপারিশের আলোকে খসড়া নীতিমালা আংশিক সংশোধন সংযোজন করে কর্পোরেশন সভায় অনুমোদনের জন্য প্রেরণ করেছে। ৩২ নং ওয়ার্ডের সম্মানিত কাউন্সিলর জনাব হাবিবুর রহমান বলেন, যেহেতু সড়ক সৌন্দর্য বর্ধণ ও রক্ষণাবেক্ষণ কাজে রাজস্ব আদায়ের বিষটি জড়িত এবং বিজ্ঞাপন রাজস্ব বিভাগের মাধ্যমে সম্পন্ন করতে হবে মর্মে মন্ত্রণালয়ের নির্দেশনা রয়েছে সেহেতু বিহিংবিজ্ঞাপনের অনুরূপভাবে ঢাকা উত্তর সিটি কর্পোরেশনের “সড়ক সৌন্দর্য বর্ধণ ও রক্ষণাবেক্ষণ” কাজ ডিএনসিসির রাজস্ব বিভাগের মাধ্যমে সম্পন্ন করা প্রয়োজন। অনুরূপভাবে ০১ নং ওয়ার্ডের সম্মানিত কাউন্সিলর জনাব মোঃ আফছার উদ্দিন খান ঢাকা উত্তর সিটি কর্পোরেশনের “সড়ক সৌন্দর্য বর্ধণ ও রক্ষণাবেক্ষণ” কাজে প্রধান রাজস্ব কর্মকর্তা’কে সম্পৃক্ত করার অনুরোধ জানান। এ বিষয়ে সভায় বিস্তারিত আলোচনা হয়। কিন্তু কোন সিদ্ধান্তে পৌছানো সম্ভব হয় নি বিধায় বিষয়টি অধিকতর পর্যালোচনা পূর্বক পরিবর্তী সভায় উপস্থাপন করা যেতে পারে মর্মে সভায় এক্যুমত পোষণ করা হয়।
সিদ্ধান্ত	: ঢাকা উত্তর সিটি কর্পোরেশনের “সড়ক সৌন্দর্য বর্ধণ ও রক্ষণাবেক্ষণ” কাজের বিষয়ে অধিকতর পর্যালোচনা পূর্বক পরিবর্তী সভায় উপস্থাপন করার সিদ্ধান্ত গৃহীত হয়।
বাস্তবায়ন	: প্রধান বর্জ্য ব্যবস্থাপনা কর্মকর্তা, ঢাকা উত্তর সিটি কর্পোরেশন।

আলোচ্যসূচি-৫	: বিবিধ
আলোচনা	: বিবিধ আলোচনায় অংশ নিয়ে সম্মানিত কাউন্সিলর ও মাননীয় গ্যানেল মেয়র সদস্য জনাব আলেয়া সারোয়ার ডেইজী ডিএনসিসি’র বিভিন্ন বিভাগের মাঠ পর্যায়ের কার্যক্রম সরেজমিনে পরিদর্শন পূর্বক কাজে গতিশীলতা আনয়নের লক্ষে একটি বিশেষ কাউন্সিল কমিটি গঠনের প্রস্তাব করেন। তিনি ডিএনসিসি’র প্রথম মেয়র ও কাউন্সিলরদের নামের তালিকা দৃশ্যমান কোন স্থানে প্রদর্শনের অনুরোধ জানান। ৩২ নং ওয়ার্ডের সম্মানিত কাউন্সিলর জনাব হাবিবুর রহমান আলোচনায় অংশ নিয়ে বলেন, যেহেতু সকল বিভাগ ভিত্তিক স্ট্যান্ডিং কমিটি বিদ্যমান আছে এবং স্ট্যান্ডিং কমিটিসমূহ সক্রিয়ভাবে কাজ করছে সেহেতু আলাদা কোন কাউন্সিল কমিটি গঠন করার প্রয়োজন নেই। তিনি বলেন ডিএনসিসিতে কর্পোরেশন সভার নামে যৌথ সভা অনুষ্ঠিত হয়। কর্পোরেশন সভায় সকলের জবাবদিহিতা করতে হবে। তিনি আরও বলেন, ডিএনসিসি’র বিদ্যুৎ বিভাগসহ বিভিন্ন দপ্তরে জনবল সংকট রয়েছে। তিনি জনবল নিয়েগের প্রয়োজনীয় কার্যক্রম গ্রহণের অনুরোধ জানান। ১৭ নং ওয়ার্ডের সম্মানিত কাউন্সিলর জনাব মোঃ জিনাত আলী বলেন, অর্থ কমিটির সভায় প্রতিটি কাউন্সিলরদের অনুকূলে ৩ কোটি টাকা করে বরাদ্দ প্রদানের সুপারিশ করা হয়েছিলো। কিন্তু এর কোন বাস্তবায়ন হয়নি। তিনি জাতীয় নির্বাচনের আগে ভোট কেন্দ্রে যাওয়ার রাস্তাসমূহ সংক্ষারের অনুরোধ জানান। তিনি বলেন

	<p>ফুটপাত উচ্চেদ এর জন্য ডিএনসিসি'র টিম পাঠানো হয়, টিম চলে আসলে আবার ফুটপাত দখল হয়ে যায়। তিনি ফুটপাতের অপদখল উচ্চেদে কঠোর পদক্ষেপ গ্রহণসহ প্রতিটি অঞ্চলে ম্যাজিস্ট্রেট পদায়নের অনুরোধ জানান। ঢাকা দক্ষিণ সিটি কর্পোরেশন বর্ধিত এলাকা উন্নয়নের কার্যক্রম গ্রহণ করেছে কিন্তু উভয় সিটি কর্পোরেশন বর্ধিত এলাকায় কোন কার্যক্রম শুরু করতে পারেনি। ডিএনসিসিতে মশার উপদ্বৰের বিষয়ে সম্মানিত কাউন্সিলর মোঃ জিমাত আলী এবং জনাব দেওয়ান আব্দুল মাজ্জান আলোচনায় অংশগ্রহণ করেন। তারা দুটো সময়ের মধ্যে মশার ঔষধ সংগ্রহ করে মশক নিখনের বিষয়ে গুরুত্বারোপ করেন।</p> <p>১৬ নং ওয়ার্ডের সম্মানিত কাউন্সিলর জনাব মোঃ মতিউর রহমান বলেন, গাননীয় প্যানেল মেয়রসহ ডিএনসিসি'র উর্ধ্বতন কর্মকর্তাবৃন্দ কোন ওয়ার্ডে ভিজিট করলে ঐ এলাকার কাউন্সিলর'কে বিষয়টি অবহিত করার জন্য অনুরোধ করেন।</p> <p>১৪ নং ওয়ার্ডের সম্মানিত কাউন্সিলর জনাব মোঃ ইমামুন রশীদ বলেন, কর্পোরেশন সভায় উপস্থাপনের জন্য সম্মানিত কাউন্সিলরবৃন্দ কর্তৃক প্রতিটি ওয়ার্ডের উন্নয়ন পরিকল্পনা, বিভিন্ন সমস্যা চিহ্নিত করে কর্পোরেশন সভার কমপক্ষে ৭ দিন পূর্বে লিখিতভাবে জমা প্রদানের প্রয়োজনীয় ব্যবস্থা গ্রহণ করতে হবে।</p> <p>১৫ নং ওয়ার্ডের সম্মানিত কাউন্সিলর জনাব সালেক মোল্লা বলেন, যে সকল ওয়ার্ডে কমিউনিটি সেন্টার নাই সে সকল ওয়ার্ডে কাউন্সিলরদের কার্যালয় তৈরী করে দেয়ার প্রস্তাবনা থাকলেও ১৫ নং ওয়ার্ডে কমিউনিটি সেন্টার তৈরীর জন্য প্রায় ৯ একর জায়গা রয়েছে। কিন্তু কমিউনিটি সেন্টার তৈরীর কোন কার্যক্রম গ্রহণ করা হচ্ছে না।</p> <p>০১ নং ওয়ার্ডের সম্মানিত কাউন্সিলর জনাব মোঃ আফছার উদ্দিন খান বলেন, জাতীয় নির্বাচনের আগে কাউন্সিলরদের উন্নয়ন বাজেট প্রদানের অনুরোধ জানান। তিনি অঞ্চল-১ এর পাবলিক ট্যালেট এর মামলার বিষয়ে প্রয়োজনীয় কার্যক্রম গ্রহণের অনুরোধ জানান।</p> <p>২৭ নং ওয়ার্ডের সম্মানিত কাউন্সিলর জনাব ফরিদুর রহমান খান বলেন, প্রয়াত মেয়র জনাব আবিসুল হক এর আমলে অনেক কষ্ট করে বিল বোর্ড উচ্চেদ করা হয়েছে। রাজস্ব আদায় ছাড়া কোন ওয়ার্ডে যেন বিল বোর্ড স্থাপন করা না হয় এবং বিল বোর্ড স্থাপন করা হলে, যে ওয়ার্ডে বিল বোর্ড স্থাপন করা হবে সেই ওয়ার্ডের কাউন্সিলর'কে যেন অবশ্যই অবহিত করা হয়।</p> <p>সভাপতি সম্মানিত কাউন্সিলরদের আলোচনা মনোযোগ সহকারে শ্রবণ করেন। তিনি সিদ্ধান্তমূলক বক্তব্যে উল্লেখ করেন যে, সংশ্লিষ্ট স্ট্যান্ডিং কমিটির সভাপতিগণ প্রতি মাসে একটি করে সভা আয়োজন করবেন এবং প্যানেল মেয়রের অবগতির জন্য সভার কার্যবিবরণী প্রেরণ করবেন। জনসাধারণের ভোগাত্তি লাঘব করে জন্মনিবন্ধন সনদপত্র প্রদানের দায়িত্ব আগামী ৩০ দিনের মধ্যে ওয়ার্ড কাউন্সিলর বরাবর হস্তান্তরের উদ্যোগ নেয়ার জন্য প্রধান স্বাস্থ্য কর্মকর্তা, ডিএনসিসি'কে অনুরোধ জানানো হয়। ছোট ছোট রাষ্ট্র কাটিং এর বিষয়ে অঞ্চল থেকে এবং প্রধান সড়কের কাটিংয়ের বিষয়ে প্রধান প্রকৌশলী'র দপ্তর থেকে অনুমতি প্রদানের নির্দেশনা প্রদান করেন। তিনি বহিঃ বিজ্ঞাপন সংক্রান্ত বিষয়ে সভাকে অবহিত করেন যে, বহিঃ বিজ্ঞাপন নীতিমালা দুটো সময়ের মধ্যে তৈরির প্রক্রিয়া অব্যাহত আছে। তিনি সভাকে আরও অবহিত করেন যে, ডিএনসিসি'র জনবল কাঠামো ও নিয়োগ বিধিমালা অনুমোদনের বিষয়টি চূড়ান্ত পর্যায়ে রয়েছে যা গেজেট আকারে প্রকাশিত হবে। গেজেট প্রকাশের পর দুটো সময়ের মধ্যে জনবল নিয়োগের প্রক্রিয়া শুরু করা সম্ভব হবে।</p>
সিদ্ধান্ত	<ul style="list-style-type: none"> ১। মাননীয় প্যানেল মেয়রসহ ডিএনসিসি'র উর্ধ্বতন কর্মকর্তাবৃন্দ কোন ওয়ার্ডে ভিজিট করলে ঐ এলাকার কাউন্সিলর'কে বিষয়টি অবহিত করার প্রয়োজনীয় ব্যবস্থা গ্রহণ করতে হবে। ২। ফুটপাতের অপদখল উচ্চেদের বিষয়ে আঞ্চলিক নির্বাহী কর্মকর্তা ও ম্যাজিস্ট্রেটগণ'কে কঠোর পদক্ষেপ গ্রহণ করতে হবে। ৩। দুটো সময়ের মধ্যে মশার ঔষধ সংগ্রহ করে মশক নিখন কার্যক্রম গ্রহণের প্রয়োজনীয় ব্যবস্থা গ্রহণ করতে হবে। ৪। কর্পোরেশন সভায় উপস্থাপনের জন্য সম্মানিত কাউন্সিলরবৃন্দ কর্তৃক প্রতিটি ওয়ার্ডের উন্নয়ন পরিকল্পনা, বিভিন্ন সমস্যা চিহ্নিত করে কর্পোরেশন সভার কমপক্ষে ৭ দিন পূর্বে লিখিতভাবে জমা প্রদানের প্রয়োজনীয় ব্যবস্থা গ্রহণ করতে হবে।

	<p>৫। ছোট ছোট রাস্তার কাটিং এর বিষয়ে অঞ্চল থেকে এবং প্রধান সড়কের কাটিংয়ের বিষয়ে প্রধান প্রকৌশলী'র দপ্তর থেকে অনুমতি প্রদানের প্রয়োজনীয় ব্যবস্থা গ্রহণ করতে হবে।</p> <p>৬। জনসাধারণের ভোগান্তি লাঘব করে জন্মানিবন্ধন সনদপত্র প্রদানের দায়িত্ব আগামী ৩০ দিনের মধ্যে ওয়ার্ড কাউন্সিলর বরাবর হস্তান্তরের উদ্যোগ নেয়ার জন্য প্রধান স্বাস্থ্য কর্মকর্তা, ডিএনসিসি প্রয়োজনীয় কার্যক্রম গ্রহণ করবেন।</p> <p>৭। সংশ্লিষ্ট স্ট্যান্ডিং কমিটির সভাপতিগণ প্রতি মাসে একটি করে সভা আয়োজন করবেন এবং প্যানেল মেয়রের অবগতির জন্য সভার কার্যবিবরণী প্রেরণ করবেন।</p>
বাস্তবায়ন	<p>১। সম্মানিক কাউন্সিলর, ডিএনসিসি (সকল)।</p> <p>২। সভাপতি,</p> <p>৩। প্রধান প্রকৌশলী, ডিএনসিসি।</p> <p>৪। প্রধান স্বাস্থ্য কর্মকর্তা, ডিএনসিসি।</p> <p>৫। আঞ্চলিক নির্বাহী কর্মকর্তা, ডিএনসিসি (সকল)।</p> <p>৬। মেয়র মহোদয়ের একান্ত সচিব, ডিএনসিসি।</p> <p>৭। নির্বাহী ম্যাজিস্ট্রেট, ডিএনসিসি (সকল)।</p> <p>৮। সদস্য-সচিব</p> <p style="text-align: right;">বিষয়ক স্থায়ী কমিটি, ডিএনসিসি।</p>

আর কোন আলোচনা না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।




(মো: জামাল মোমিনুল হক) ২২/২/২২
 প্যানেল মেয়র
 ঢাকা উত্তর সিটি কর্পোরেশন
 ও
 সভাপতি, কর্পোরেশন সভা।

নং-৪৬,১০,০০০,০০৬,০৬,০০৮,১৫. ১০১৭

তারিখঃ ২৩। ১২। ১৮।

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো: (জ্যোষ্ঠার ক্রমানুসারে নয়)

- মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- সিনিয়র সচিব, স্থানীয় সরকার বিভাগ, বাংলাদেশ সচিবালয়, ঢাকা।
- প্রধান নির্বাহী কর্মকর্তা, ঢাকা উত্তর সিটি কর্পোরেশন।
- সম্মানিত কাউন্সিলর, সাধারণ ওয়ার্ড নং/সংরক্ষিত আসন নং ঢাকা উত্তর সিটি কর্পোরেশন।
-, বিভাগীয় প্রধান (সকল), ঢাকা উত্তর সিটি কর্পোরেশন।
- আঞ্চলিক নির্বাহী কর্মকর্তা (সকল), অঞ্চল ঢাকা উত্তর সিটি কর্পোরেশন।
- সিলেক্ট এনালিস্ট, ঢাকা উত্তর সিটি কর্পোরেশন। ডিএনসিসি'র ওয়েবসাইটে প্রকাশের জন্য অনুরোধ করা হলো।
- প্যানেল মেয়র মহোদয়ের সদয় অবগতির জন্য তাঁর একান্ত সহকারী, ঢাকা উত্তর সিটি কর্পোরেশন।
- সহকারী সচিব, সংস্থাপন শাখা-১, ২, সাধারণ প্রশাসন শাখা ও প্রশিক্ষণ কোম্প, ঢাকা উত্তর সিটি কর্পোরেশন।
- অফিস কপি।



(রবীন্দ্রশী বড়ুয়া) ১২/১৮
 সচিব
 ঢাকা উত্তর সিটি কর্পোরেশন।